



საჯარო სამართლის იურიდიული პირი -  
ბათუმის შოთა რუსთაველის სახელმწიფო უნივერსიტეტის  
წ ა რ მ მ ა დ გ ე ნ ლ ო ბ ი თ ი ს ა ბ ჭ ო

გ ა დ ა წ ყ ვ ე ტ ი ლ ე ბ ა №06

ქ. ბათუმი

23 აპრილი, 2018 წ.

საჯარო სამართლის იურიდიული პირის - ბათუმის შოთა რუსთაველის სახელმწიფო უნივერსიტეტის შინაგანაწესის დამტკიცების შესახებ ბსუ-ს წარმომადგენლობითი საბჭოს 2011 წლის 9 სექტემბრის N02 გადაწყვეტილებაში ცვლილების შეტანის თაობაზე

საქართველოს კონსტიტუციის, უმაღლესი განათლების შესახებ საქართველოს კანონის მე-18 მუხლის, თამბაქოს კონტროლის შესახებ კანონის მე-10 მუხლის, ბსუ-ს წესდების მე-10 მუხლის და წარმომადგენლობითი საბჭოს რეგლამენტის საფუძველზე წარმომადგენლობითმა საბჭომ

გ ა დ ა წ ყ ვ ი ტ ა

1. „საჯარო სამართლის იურიდიული პირის - ბათუმის შოთა რუსთაველის სახელმწიფო უნივერსიტეტი“-ს შინაგანაწესის დამტკიცების შესახებ ბსუ-ს წარმომადგენლობითი საბჭოს 2011 წლის 9 სექტემბრის N2 გადაწყვეტილებაში შევიდეს შემდეგი სახის ცვლილებები, კერძოდ:

ა) გადაწყვეტილების დანართი 1-ის (შინაგანაწესის) პირველი მუხლის პირველი პუნქტი ჩამოყალიბდეს შემდეგი რედაქციით:

„ 1. წინამდებარე შინაგანაწესი შემუშავებულია საქართველოს კონსტიტუციის, საქართველოს შრომის კოდექსის, „უმაღლესი განათლების შესახებ“ საქართველოს კანონის, საქართველოს ზოგადი ადმინისტრაციული და ადმინისტრაციულ სამართალდარღვევათა კოდექსების, თამბაქოს კონტროლის შესახებ საქართველოს კანონის, ბსუ-ს წესდების, საქართველოში მოქმედი სხვა საკანონმდებლო და კანონქვემდებარე ნორმატიული აქტების მოთხოვნათა შესაბამისად და ვრცელდება „საჯარო სამართლის იურიდიული პირი - ბათუმის შოთა რუსთაველის სახელმწიფო უნივერსიტეტის“ (შემდეგში „უნივერსიტეტი“, ან „ბსუ“) პერსონალზე, მოწვეულ სპეციალისტებზე/მასწავლებლებზე, სტუდენტებზე, პროფესიული საგანმანათლებლო პროგრამის სტუდენტებზე და უნივერსიტეტის მოკლევადიანი საგანმანათლებლო პროგრამების მსმენელებზე (შემდეგში მსმენელები)“.

**ბ) შეიცვალოს გადაწყვეტილების დანართი 1-ის (შინაგანაწესის) მე-11 მუხლი და ჩამოყალიბდეს შემდეგი რედაქციით:**

„ 1. „ თამბაქოს კონტროლის შესახებ" საქართველოს კანონის შესაბამისად თამბაქოს მოწევა აკრძალულია უნივერსიტეტის ბალანსზე/სარგებლობაში არსებულ შენობა-ნაგებობებში და ტერიტორიაზე (მათ შორის ეზოში).

2. ბსუ-ს ტერიტორიაზე თამბაქოს მოხმარებასთან დაკავშირებით „ თამბაქოს კონტროლის შესახებ" საქართველოს კანონის მოთხოვნათა შესრულების, დარღვევების გამოვლენა/აღკვეთის, პასუხისმგებლობის სათანადო ზომების განსაზღვრის (უნივერსიტეტის უფლებამოსილების ფარგლებში) კონკრეტული წესები (მათ შორის რეგულაციების შესრულებაზე კონტროლის განმახორციელებელი სტრუქტურული ერთეული/პირი) განისაზღვრება ადმინისტრაციის ხელმძღვანელის ბრძანებით”.

3. ბსუ-ს ტერიტორიაზე თამბაქოს მოხმარებასთან დაკავშირებით „თამბაქოს კონტროლის შესახებ" საქართველოს კანონის მოთხოვნათა შესრულებას „ თამბაქოს კონტროლის შესახებ" საქართველოს კანონისა და ბსუ-ს შიდა რეგულაციების დარღვევებზე სათანადო რეაგირებით ახორციელებს ბსუ-ს ადმინისტრაციის ხელმძღვანელი, რომელიც უფლებამოსილია სამართალდამრღვევის/ების მიმართ გამოიყენოს ამ მუხლის მე-2 პუნქტში მოხსენიებული ადმინისტრაციის ხელმძღვანელის ბრძანებით განსაზღვრული დისციპლინური პასუხისმგებლობის ზომებიდან ერთ-ერთი ”.

**გ) შეიცვალოს გადაწყვეტილების დანართი 1-ის (შინაგანაწესის) მე-12 მუხლის სათაური და ჩამოყალიბდეს შემდეგი რედაქციით:**

„ უნივერსიტეტის ტერიტორიაზე დადგენილი სხვა აკრძალვები ”

**დ) გადაწყვეტილების დანართი 1-ის (შინაგანაწესის) მე-16 მუხლის მესამე პუნქტის „ზ” ქვეპუნქტი ჩამოყალიბდეს შემდეგი რედაქციით:**

„ ზ) მოსწია თამბაქო უნივერსიტეტის ბალანსზე/სარგებლობაში არსებულ შენობა-ნაგებობებში და ტერიტორიაზე (მათ შორის ეზოში).

**ე) გადაწყვეტილების დანართი 1-ის (შინაგანაწესის) მე-20 მუხლის მეორე პუნქტის „ვ” ქვეპუნქტი ჩამოყალიბდეს შემდეგი რედაქციით:**

„ ვ) მოსწია თამბაქო უნივერსიტეტის ბალანსზე/სარგებლობაში არსებულ შენობა-ნაგებობებში და ტერიტორიაზე (მათ შორის ეზოში).

2. წინამდებარე ცვლილებები ძალაში შევიდეს 2018 წლის 1 მაისიდან .

3. გადაწყვეტილება დაეგზავნოს ბსუ-ს მართვის ორგანოებს, შესაბამის სტრუქტურულ ერთეულებს და განთავსდეს ბსუ-ს ვებგვერდზე.

4. გადაწყვეტილება ძალაშია ხელმოწერისთანავე.

**წარმომადგენლობითი საბჭოს სპიკერი,**

**პროფესორი**

**დ. ბარათაშვილი**